

四庫全書

集部

欽定四庫全書

石倉歷代詩選卷四百十五

明 曹學佺 編

明詩次集四十九

林俊

齋居聽雨

大明謹歲事稱禮王正月回颺清路塵象緯羅天闕
必芬萃精意玄衮嚴對越真機連化元休徵感飄忽
簷牙

動陰翳月色歛已沒輕沫弄霏微寒聲聳毛髮及辰天
氣佳披衣坐清機豐登諒其兆素抱開結骨獨往候東
菑浸淫土膏發

擬古用蘇韋州韻

出門有所適驅車長林端蒺藜翳古道登陟阻且艱綠
陰下啼鳥夕陽在空山有酒不得將芳賞良獨難抱飢
坐孤石流雲渺無迹谷泉通暗聲荔逕稍棲息緬懷千
古心僅此一閒易迴策悄人語虛堂海月白

送李卿式入覲

林葉下策策馬鳴風蕭蕭去住各耿耿水樹天迢迢霜
前感候雁欲寄書仍遙大明麗日月瑞靄瀾紫霄數納
虞周際萬國今四朝君行為民告靡敝曾自聊怨結化
為疹疫氣流未銷入春早無麥螟賊傷我苗登場穀翔
涌難犬村寂寥蠲租望漢詔延頸心搖搖君行幸無遲
君歸幸毋緩待哺衆嗷嗷腸枵日不短

送葉東瀛

漠漠庄前雲齒齒松下石林父有好懷雨晚水亦碧出
懶動私慰掃軌復誰客邇從天上來會有留司役聚首
那得知解衣話疇昔荔熟正滿眼照我青霞宅別譜符
前聞摘嘗經累百色香特高品風味良自得他日江南
人此景徒夢索

孚齋

藻繪徒自營大樸日以遠譬之東逝波一去不顧返中
虛抱靜念所嗟歲月晚良人事遠征風水日繾綣魚龍

為之馴廣川恬而穩至音諒斯世周行有歌坂迴棹湘
江湄幽芳彌九畹

南莊別墅

塵事日窈冥鳬山趣還好漁歌錯昏晝沙石淨如掃舫
舟散素襟文字時探討寢迹衡茅下生計亦草草愧乏
東平瓜獨有安邑棗開春理薄田即事起常早寨樓村
烟夕滄海白浩浩好爵不自縈名聲此中老

送曹時中僉憲

步步陟峯岑攝衣就林樾盈盈汀上草灼灼方花月感
念意中人駕言向天闕供帳雜觴壘歡愛情靡竭餘酣
發清嘯英風竦毛髮雙輪過目烏晴陰變飄忽舊倚失
蒹葭蘭軒坐孤突寒芳信所紉芬菲竟奚物前程諒爾
多維車待明發

大雷雨晚晴

拘繫敝塵埃迴輶息余生東軒翳夕景拄策經丘行溪
葉暗山雨流雲疾卷旌迅雷驚號令神斧司天刑木石

觸破碎鋒利不可迎
褫魄走魍魎
頗悉幽隱情
皇靈布六合
清飈馭前征
浮陰遞消伏
奎壁宣文明
境寂羣動息
新涼鶴鶴鳴
海樹上素月
迥野田禾平
石泉滴暗響
飛螢來去輕
留連俯檻欄
采采林木榮
斗極蓄遐思
居然葵藿誠
蒼生豈不念
茲意在躬耕

送王憲副之貴陽用東坡韻

羈遊感物候
密葉鳴幽蟬
江寬葦蒲淨
莽蒼浮青烟
西維銅柱外
驛路開叢巔
騶從出木杪
電幟空中懸
應接

境不暇此行多登仙顧獨困兵燹子育須時賢禍賈有
均責政平聞醴泉素桐落疎響清月夜聯娟別堂悵疇
昔醉語風翩翩白骨穢荆杞勒功重燕然

送陳僉憲用東坡感舊韻

報答重意氣鐘聲別未央玉鞘寒曉月馭踏關山長巖
巖寫丹碧解宇清僧房地暄等冬春江雨作夏涼羶輿
記宿厯廡戲百盤岡深懷亟將事倦極中頗忘迹孤時
歛怨難犬幸少康滇俗羅焚潤十村九無糧流土恣驅

挾殺越千刑章治標盍端本君行厲風霜害苗盡稂莠
爵蠟應細嘗悠悠千載心臨分為傾降

東園翫菊用白居易韻

假舟渡淶水步履循東欄懶遊動旬月及至荒吾園淡
淡兩松徑秋高草棘寒惟餘數行菊風雨多摧殘疎花
間黃白錯莫低垂間細數各星布慣看轉雲連埋名舊
書蠹文史多拘牽對此散幽鬱南山晚悠然登高有成
約近頗筋力難脫巾漉村酒痛飲聊為歡霜空木葉落

歲晏餘芳鮮莫待明年花笑改今年顏

送徐大參廣賢用謝靈運相送方山韻

幽絃久不調繁響散疎越茲晨抱就君蘭生水初發橫
膝弄孤操松枝猶曉月瀕村風雨仍芳意重消歇逃虛
出門懶勝賞心恒闕報章何來遠路經此別日高動
征輪遠宇衆星茂

遊鼓山用蔡端明林繕部韻

遊走速老大茲山仍面目屏嶂高遙空閒雲宿晴麓潮

洗石根虛逶迤轉深谷窄磴幕蘿葛眺遠翻入屋峰回
騶從喧雉驚起叢竹及曠迎百醜心境相盪觸烟收海
氣澄荒荒動遐矚青筇老支醉反面看懸瀑西崦夕陽
忙水禽沙際獨借榻受松風茶香一緣足

兵書峽

巫峽山西來昂伏知幾變扶輿轉磅礴渾沌開生面中
擘行懸流晴碧天一線石根互紋摺龕竇相貫穿最高
壁斗間衣襟橫素練參差綴紅雪黃雲覆葱蒨其巔翳

叢木深窈兀古殿三竅連嶽岑殘簡隱約見世傳此兵
書異人之所撰太始留至今文字磨滅半坤靈護取將
赤日下雷電吾聞蜀漢地吳魏經百戰趙宋亦後服俘
囚始郡縣皇明取明昇旋凱不遺箭急峽掌為平安流
歌禹甸抵今鄉溪航下上日百徧誰悲蜀道難烟景有
餘總理極亂恒倚黃巾焰微煽飛書數上聞宵旰重西
眷素翁久收局詔起滇行院兵寄老一身支撐出門倦
仗劍追昔遊征衫淚為濺辭家日千里許國心一片瀕

春雨綿密遡峽風良便願言掃妖氛黃石授終卷

題一般春得隱字

淪老負心期撫床弄徽軫天空暮雲平歸鳥沒欲盡憶
別江上春羈懷不可忍北山夜移文叢桂亦招隱迴輶
息余生林臥觀朝槿

長歌行次相如

青青河中蒲晨日露易晞微風動綠葉嶷嶷搖晴暉磨
滅時節改容顏驚漸衰玉闌消息斷青霜雁來歸木落

四壁暗飲淚徒辛悲

贈石溪

海樹多白雲晴峰帶寒碧秋日厲且短徙倚懷在昔幸
酬山鹿性一懶收四益蘿落菊花風村醪永今夕繼緒
情話久僕更燭屢易霜青白雁前江湖念孤客

題衆禽圖

雲莊藏老大筆硯閱寒暑容知門外心風烟在江澈乾
坤囿萬物得氣無纖巨地幽草木深羽族良地所品局

限陶型文章異機杼一雌復一雄羣飛各儔侶天寬網
羅疎丹碧任容與臨流濯其毛飲啄如相語汗滴原上
翁卒歲無禾黍

山水圖為山齋題

林居有奇勝聯馬經溪橋歌曲豈不念猿鳥時見招青
松夾路徑谷口歸雲樵田磽水泉縮屋古風蕭蕭羣峰
翳寒日秋氣橫參寥霜鐘僧寺近僻悄無紛囂解衣作
小憩香茗談前朝

南山霽雪

天低鳥歸盡四野玄雲合零亂花正繁長風起蕭颯旦
日勢方嚴嶺嶠清可踏玉峰一夜高瑤樹開周匝龕竇
延白光邃窈斷塞雜更深人語悄木綿重孤榻細和少
陵篇風味如嚼蠟

雪夜送婁元善分得發字

玉龍戰珠灑清血銀蟾墮地金波滑點綴園林一夜花
可是東君為催發丈夫別酒自尋常且與對雪行新月

紅塵堆裏十年夢暫借餘清洗詩骨

木假山

龍顛可合齊青牛願化三島連十洲沙眠水宿三千秋
溝中之斷非品流神工鬼斧勞琬鏤嵩恒泰華爭長首
六丁迎置一納地如驥逢樂價殊尤素屏移對清透骨
便覺雲氣生功裘草堂花木有峻命莫與煮鶴充薪樵
物聚必散材非福胸懷我有真林丘

閒雲歌

素翁汝老不能軍天地化汝為閒雲閒雲散漫無羈束
始得野老相朝暉雲庄數椽屋新立墻低不禁雲出入
酒酣放浪抱雲眠酒醒月小衾裯濕日日踏雲雲不嗔
造化知汝非忙人故令此雲備驅使遊走八極空秋旻
低聲問雲汝何補大旱蒼生正霖雨西郊之密徒爾為
小製荷衣覆漁浦

題囊山僧房雲山圖用族祖魯瞻先生韻

短壑慰老山雲白日日山行異山色不應雲白又雲青

招引山僧漫窺測為雲截竹開山樓雨卷入屋晴簷頭
白晝裏眠薄衾枕不與桂玉闌閒愁飄散祇宜知者道
草屐踏雲寬嘯傲鶴氅輕吹出洞笙鐵船早鼓橫江棹
道人具領西來意隨緣數遣山雲至攢眉社會不作難
墨池小草閒雲記

松鶴篇送鍾鶴侶

我本貞松性雲水鍊高潔君亦海鶴姿風烟鑄真骨一
鳴一和依我松孤警東閩夢東粵清容照秋水鄉心在

華髮松子君且殮分飛待明發重來宿我松樹枝露下
秋空看明月

九峰書院步西涯韻

別山憶山日八九物情更責相纏糾牽引氛嵐几格間
謂無非無有非有司徒屢疏始東還夢落石城經夏口
九峰突兀古來面暮年作伴良非偶方牀天設玉圍屏
朱碧欄端照雲母樹陰四簷不知夏門外古松雙鶴守
綠野忙移面漢開丈事金章理何取廣原歲杪春一分

雨甲烟苗未牙紐造化無私亦云漏三數梅花在軒牖
消息東風泰運來再拜青山重翹首當梅細語梅得知
并力諸公餘大手步郢惟歌白雪詞和陶且酌黃花酒
書帙散亂冷不收開畦敢望瓜如斗浪倒風顛此到岸
浮鷗立鷺心期久雲庄病老亦歸人為國翻思惜黃耆
竟陵名勝凡幾峰月黑神遊公會否

驄馬趨朝為李國寶侍御作

雲驥霧鬣臺青驄雄姿逸態誰得同傳是渥洼舊神種

騎來陸海生長風赤驃紫騮少顏色路人欲看看不得
魑魅無蹤鬼膽寒不重驄才重驄德美官飼秣豈無馬
毛羽齊來品俱下夾鏡時懸照夜光連錢直倒酬金價
回轡天閑春遇新液池洗刷增精神歷險馳危不自惜
畢力萬里清埃塵

南山十五勝為潘孔修題

君不見南山北月林寫影銀綃薄顯謨書閣鎖烟霞祇
今山水流遺脉又不見南山西雪麓路轉晴看迷道人

雞犬白雲去夕陽古樹風淒淒太寒峰在何許屹立南
山最高處小寒西北勢盡降振翼兩峰平孤舉鳳山亭
亭南山北前此坡翁留勝迹鷹山特出山之東地靈秀
毓莊簡公滄桑變滅英雄化敗垣斷塹歌樵童清風峽
大雪嶼月林舊曲今誰和石田禾黍答秋成捧腹松根
時仰臥疊錦溪迴貫月槎石橋春水流桃花紫陽素壁
題詩處淋漓醉墨翻龍蛇自峽之東浮香閣野水荷花
傍籬落日長把手話桑麻隣里相逢生處樂轆轤短綆

窺寒泉眼花亂落水底眠橘井神工誰第一丹砂入口
疑登仙百莖之著不易得谷中似有君平宅極高更上
望潮臺五湖四海天為開南山草堂南山下江竹江花
同清野長風吹出不平鳴不與南山共喑啞願出南山
雲更化南山雨八荒六合隨飛龍歸山更結松雲侶

送王德輝還朝

西風息庭樹落月在雙杵攬衣候殘星送別江之澣岸
楓葉赤天雨霜日出未出江蒼涼黃花白酒動春色落

霞孤鶩催歸航客子流光一過鳥別時轉多會轉少健
翮宜凌霄漢間倦身祇愛風塵表狀頭學士君不孤千
年文氣須人扶六朝典籍要秦火此語外激中非迂平
生獨得言可為知者道完質變青黃皇風薄麗藻君歸
語伯安浮豔輕一掃商彝周鼎自有真拽以萬馬酬千
緡聲名太早物所忌未信今人非古人

南樓漫興為楊孔瞻作

白鶴山盈眼南樓意轉親疎花烟外暝獨樹雨中春辭

酒醉還安眠雲閒是真浩然今古句清灑出風塵

又

素幔晴看捲深杯晚復傳仙風遺石井僧月上溪船閣
樹酒旗裂盤空鶴翅圓揚雄詩總放誰解破中堅

高黎共

崑崙攀絕頂霧雨日廉纖天近山低棧屋虛石過簷掬
泉聊慰渴藉草未傷廉苦事微官縛霜毛覺漸添

潞江

鬼方良可住草率亦生涯竹屋下流水柴門開落花間
惟供傲放老不識紛華肅客盤飧簡時能薦穀茶

蒲縹驛

草亭動孤酌日歛瘴烟昏老屋因風卷清谿帶雨渾桴
鼓新聲在山甌古意存簞門通細火漁唱起江村

憂賴

日長了官事倚杖大溪濱沙石淨臨水烟花閒度春科
頭風到竹招手鶴隨人茅屋青丘晚漁樵感卜隣

沙木和驛

奔馳牽冗累戍削冒江氛愁逐夢千里春添老一分鬼
跳當徑入猿響隔山聞霧色津亭古沈綿臥夕曛

送汪良夫上舍

客路阻風沙離心逼歲華潮平今夜月梅作去年花囊
澀書還構天寒酒可賒席珍逢聖主非久在烟霞

畫屏啓緒

桑梓連陰地烟花滿畫屏兔絲風欲嫋書帶雨還青樂

事存三徑生涯寄一經
草堂窮巷裏無負此山靈

題周惟中畫

獨屋低臨岸雙峰半出雲
樵蘇非左計泉石有餘聞
肅客彈冠少看山倚棹分
前村許沽酒深酌送殘曛

東林用江桂軒韻

初日上蒼涼峰巒接太荒
懶雲依鳥徑馴虎臥僧廊
水碧聰明井燈青慧遠堂
禪心秋共寂徙倚近香牀

溪山樂

水國斷儔侶生涯寄翠微
菰蒲雙槳出松桂一樵歸
素雪侵生鬢黃塵不到衣
枕雲時宴起鷗鷺滿魚磯

送鄭汝華次韻

逐水桃花處斜風燕子時
醉揮鐵如意擊碎珊瑚枝
飲散還當局愁閒不入詩
溪山難此景別後夢相思

送伯望員外

水樹閣炎雨江鄉滯短筵
秋聲梧落候霜信雁來前
客路連三月家書又一年
考堂夜孤夢飛遶白雲邊

題清上人山房

亂松深古寺，衰謝白雲期。
生滅慧燈盡，晴陰疎磬知。
簷虛江色遠，日薄鳥聲遲。
錫杖西來意，曹溪亦幾枝。

竹

斷靄橫天外，青山落水中。
林稀行野鶴，笋熟過溪翁。
索莫無諸事，蕭疎又一風。
炎歊移處薄，披寫此君同。

德化高良寺

肩輿歷風雪，偶興愜清遊。
萬竹深藏寺，三山近映樓。
禪

心溪月曉官業野雲秋自悉前征晚貪閒為一留

題子野畫

夜色秋同淨林居意轉慵庭閑一方月風斷隔溪鐘古
樹藏紆徑晴流帶遠峰前身白雲外疎散不從龍

石岡樵隱

石壇孤榻靜岡雨一肩遲草接樵時徑雲疎落處枝青
牛經化日白鶴滯歸期桂樹蒼霞曉長風吹鬢絲

題山齋畫

掃軌柴籬靜披荆拄杖來大都無徑入小第為山開海
月臨書幌松雲下釣臺滄江起龍臥噴薄夜風雷

病歎

舊恙秋頻作年深頗厚虞藥爐妻子厭茶話里隣疎水
棘荒平嶼風茅卷敝廬乘除有前命薄累送閒居

又

鍼石功何奏寒邪症轉奇回腸夢中斷老淚枕前知掃
戶曾今雨防身已後時一燈情外事明滅護餘悲

得漢樓

日薄境將暝江空人未還
宦情輕故國秋色易前山
齒髮難藏老林丘不買閒
一機酬世外戎馬又間關

入秋偶成憶邃菴

疎樹留殘暑平蕪帶夕曛
簷聲初下葉峰影暮歸雲
野笛隨漁唱遊鳬雜雁羣
草莊時看雨相憶紫芝薰

又

毒暑流殘焰微涼生晚晴
日移南至影雁度北來聲
草

露行秋澹山風作夜清疎稠自時事湘簟欲忘情

林塘漫興為楊孔昭作

林居絕幽僻烟景即天台徑窄山窮轉窻虛竹上開微
涼生草樹落日在池臺烏角巾斜岸絺衣步紫苔

憶上生寺

秋色動秋巖人情致短絨中峰雲際寺落日烏邊帆足
澀翻成繭風疎未脫銜石欄坐花月涼影動衣衫

靜海寺即景

海寺春尋到烟霞味轉濃
鵲巢寬樹限鶴食斷僧供
背日雲根濕連山地耳重
閱江樓近在落足最高峰

武寧道中

亂雲經積石分路轉盤阿
雨樹蒸芝菌烟龕織蕩蘿
幔坪催院馬落日在漁叢
憩息香牀晚僧鐘意若何

臨滄謾語

立壁行荒蘚臨滄寄此亭
舊巢新燕紫夕景早苗青
撼嶼濤飛雪鐫詩石帶星
悔前今短日都盡碧山靈

翠亭草堂次韻

鳥寂斷春夢
亭虛繫物華
山林到城郭
雲水會人家
暝落窻前葉
香傳竹外花
一區遺世在
慰老托烟霞

又

右軍傳筆格
處士接丰標
泉石境難畫
耕漁興可招
杜門消短日
飽飯答清朝
引鶴西湖路
春風第二橋

送方宜賢之婺州

海縣多年夢
雲庄幾日遊
如僧聊共夏
為客動經秋
歲

儉沙田瘠山深草樹稠移風還禮樂絃誦變蠻謳

雪後十二韻

日色欺雲薄歸鴉閑晚晴冰隨寒溜盡花落小渠平玉
樹含秋思金風挾雨聲郎嬌渾傳粉仙渴或餐英室愛
袁安臥茶憐學士評孤撐山骨露蹠蹠馬蹄輕剪勝宜
春苑張燈不夜城絮飛看欲盡草沒望還生未敢輕溝
壑猶能重旆旌月將梅共白人與鶴爭清夢破家千里
詩成鬢幾莖剡溪餘興在何日重尋盟

都昌謾述

白髮三千丈許長世緣牽掣又江鄉
兩山抱郭地雄勝萬水匯流天混茫
宿莽風烟誰步障盤岡香火自祠堂
東流敢亦蒼生問廊廟先憂祇故腸

木齋致仕

疏歸前日已東山今日先生又乞閒
三五治臻霄漢上百千心切水雲間
闕河老淚懸憑几文武遙心注押班
好為先皇慎眠食仰成天子要公還

丁卯二月十一誕日

同時何止百壬申蒲柳秋先鬢獨銀兩月上俞歸老疏
十年前竊倦遊人枕流木筏鳥雙下席草江峰鹿對馴
老父巾裳命殽酒大郎今日是生辰

又

入手光陰不作忙誕筵今日是江鄉天酬病子溪山債
春附隣家水石莊獨鶴也須扶我老疎花翻自笑人狂
麥斜尚少三年臥憑藉風烟作主張

初夏晚步次潘孔修

小立湖橋看浙東一川晴映夕霞紅牛羊徑轉前山笛
漁釣船歸別聚翁沙堰月遲江欲暝雨荷風細酒初中
鶴還似帶鐘聲早隱隱殘陽在遠峰

憶東閣初卜

十年決策住江村種藥看書且避煩帶郡四山環稼圃
通陂一水匯籬門可拋林壑投城府為便春秋拜子孫
官久萊公還未富畝餘生計信須存

訪顧家亭

衰顏得酒變兒童小簇山盤對二翁
遠笛江川晴樹外斷鴻秋水晚烟中
赤松藏老還餘日白社投閒自舊風
萬竹亭深時一遣不應酬直與青銅

城樓

青蓋遙登城上頭疎松晴雨送清秋
雲連野色天浮樹風度潮聲海入樓
島嶼旌旗千隊出市寰烟火萬家稠
滄江歲晚留餘健小立欄干數散愁

寄興次東所

信息青丘拄杖來
籬門低處趁江開
幾畦藥草和烟摘
一樹梅花倚石栽
秋興久虛黃葉塢
酒狂初上碧雲堆
荷衣送老松榆社
月白霜清釣艇回

紅鸚鵡用劉禹錫韻

羽毛耀日色頰紅
羣品相看百一中
秦苑歲深言頗洩
隴山途杳夢還通
雙飛幾及公庭燕
獨宿終憐子夜風
教得誦經成底用
一餐終合老雕籠

湖堤晚對

葛巾蕭散步蒼苔久客幽懷一笑開
山色夕陽看更好
柳陰啼鳥夢初回閒情偶占鷗邊石
鬱熱驚聞脚底雷
漱罷芳泉尚餘興短籬呼月送殘杯

地爐紙帳竹奴用東坡韻

煮餅分江不滿餅車聲遶屋夜分明
羶鄉客久疑燒桂
石鼎心降欲仆旌撥盡寒灰看鳥篆
聽殘爆火混鼃更
雪堂行酒君臣契帶得春容與冷卿

蠻溪十幅謝編連，葉席綿衾對靜便。
梅月自臨高士榻，瑤花欲賁廣文壇。
光搖老鬢星盈眼，清入吟脾雪滿天。
夜鶴不鳴秋似洗，一龕燈火伴孤眠。

湘妃面目毀還真，隨分山房一亢身。
乍喜輕便僭當夕，未愁冷煖過猜人。
春深桃葉關情淺，老去楊枝屬意新。
臥不愧衾知節苦，陽山無語夜相親。

雲莊即景

露葵疎短伏杉雞，接葉交柯徑轉迷。
鶯帶殘聲移別樹，

金匱先生集卷四十五
鷺拖寒影貼平溪潤粘野客雲雙屐春動田家雨一犁
倦倚夕陽憂歲儉乞燔人滿路東西

偕龔元之宿盧龍山月微出敘興

江城疎雨滯歸驂玉洞玄機得飽談秋盡斷厓芝易老
霜前荒圃菊初酣市喧遙隔簾聲外道氣長隨鶴背南
散步回廊山寂寂倒聽殘葉下寒潭

龍泉古蹟

龍山幾道落巖泉古寺長松鎖夕烟風雨晦冥無丈室

藤蘿昏黑尚諸天看飛短錫知何日打賣殘碑不記年
生滅大千還世界白雲滿地故依然

遊上生寺次從吾先生韻

杜若塘成刺小舟招提半老記初遊庭酣荔雨動奇興
寺濕松雲闕素秋縱浪野情拋仕版同天帝力聽民謳
少陵近頗緣詩瘦八詠歸慚沈隱侯

文峰書院次韻

太平端合老人龍臥隱城南江上峰筆訝草玄高起塚

膏因繼晷慣燒松花間得句諸生續月底吹簫二客從
閉戶著書秋更晚隔溪烟樹夕陽重

漫書

東郭橋西舊草堂閒雲白鳥共江鄉古榕陰重官河雨
柔櫓聲清子夜航北極有懷天共遠老人無睡漏偏長
青幃散帙方書滿綠墊開成養病坊

南山草堂

居閒自信未全閒猶有微營在世間種得新荷看出水

洗來叢竹恐遮山萬金難買田園福一醉從教鬢髮斑
隱几南窓坐無事夕陽天外鳥飛還

王文濟使楚因憶曹廷輝次韻

寸心葵藿共傾陽笑接皇華此暮觴秋水星槎回雁渚
白雲書屋臥龍岡吟過楚澤林巒瘦夢落吳江橘柚黃
欲為蒼生勞自愛莫教青鏡負流光

避暑南山倚韻答汝華

蒺藜古道更蒼苔祇樹青霏近午開寺折松廊雙鶴遶

月臨雲水一僧陪
清水坐石還談柄
白社攢眉亦酒杯
湖海壯心禪共寂
招提猿鳥謾須猜

讀唐人錢起詩黃綬罷來多遠客
青山何處不

愁人之句

林園樂事頗相關
不換神仙祇一閒
荒徑也須存白菊
愁人原不是青山
將雛野鶴飛還舞
釀蜜崖蜂去却還
涼月孤舟自濃睡
乘流知下幾溪灣

輓王存敬

酒炙空城弔豈知老年心事向妻兒
遼東間有還丁日
河內終無借冠時
古栢衣冠成石塚
生祠香火薦江蘿
滄洲病客登門懶
風雨來看墮淚碑

題麥斜

林壑心期老未灰
盤雲飛磴歷崔嵬
徑依斗折蘿生合
石作門含水迸開
梵閣眼明天一隘
仙龕月冷夢初回
古梅布滿何人跡
鶴引孤山拄杖來

寄守溪

瀝血深衷重聖顏
社時玄鳥故應還
病誰辟穀收黃石
公自焚魚對碧山
心膺久拋形迹外
絲綸今出水雲閒
三朝海嶽蒙恩地
北極江門盡夜看

送用敬司徒兼左副都提督雲貴軍務

玉書黃組照征衫
伐鼓江風滿布帆
邦計已符三部望
將權重領兩京銜
上卿文武功宜奏
中夏提封邑豈巖
我願邊民私請命
天戈惟見掃妖欃

遊小東山樂丘次韻

樂丘歸卜翠微間
委憤松風晝日閒
空谷足音聞亦喜
斷垣春色過曾關
鳥如避俗頻移樹
雲為無心更出山
一物羊裘吾送老
木蘭烟水夢重還

次紫厓學士叔亨太僕楊村舟中

複樹交沙截遠流
輕風一鳥竟誰舟
桃花水滿遲明發
楊柳村荒記昔遊
客路月卿懷共放
人家星野住初稠
塞蓬直北看形勝
百二關河遠帝州

再乞侍養書懷

即辰三沐更三薰滿紙平生重上聞天濶正如無繫鳥
林深容有不歸雲山高月小蘭坡夢鶴怨猿驚蕙帳文
進止乾坤自情事話長燈影記臨分

雪禁體

凍筆呵成勢轉堅寒光入幕伴孤眠草窻浙瀝亂疎雨
茶竈陰沈絕暝烟已辨鵝毛深禦臘不煩雞骨漫占年
兔園授簡誰能賦且泛迴風剡曲船

秋夜感

亂松深處一燈青
絡緯空階響漸停
永夜寒聲風獵獵
半江秋影月亭亭
關河水赤途猶梗
海國雲連鬢易星
天地深恩叨俯仰
滯留深愧北山靈

除夕

歲局周星感舊枰
木爐圍守夜三更
亦知送臘迎正地
未盡懷家戀闕情
薄伐幾人還上策
下坡明日是初程
擁綸假寐寒光小
江雨隣燈爆竹聲

此景

午飽江風抱樹眠如晴如雨峭寒天青烟直下取魚鳥
白浪橫過沽酒船忘我身輕遊蝶外上心春急落花前
汀沙盡日鷗羣怪叨住人間是一年

初秋

忙盡乾坤一歲華石榴今子菊將花秋江合作鷗羣地
社日空辭燕子家力薄壯心慵看劍野清邊堠重聞笳
廣庭四壁蛩聲冷碧落高低到雁斜

再起感懷

重是雲居欠穩眠，蛻殘凡骨未能仙。
西南文字江山債，老大風塵犬馬年。
絕域孤屯銅柱外，荒祠古柏錦官前。
出門二表肝腸在，刻鵠功疎一惘然。

右垭寫懷

露宿官山月轉晴，山垭老淚寄蒼生。
檄書夜下秋前捷，野哭時懸枕上聲。
墟落鳶鴉荒骨亂，石田狐鼠晚蒿平。
經心門井溪來血，流入瞿塘水尚腥。

得漢城

天然樓堞護雲低，萬壁丹青眼近迷。
兩漢英雄傷舊事，二巴晴雨問前溪。
入關有約今誰定，與仲徒多鳥自啼。
羣穀病餘曾漫夢，裏屍瀕老託征西。

木門歎

木門戎馬又風沙，羽檄秋清轉亂麻。
白日溪橋餘虎迹，青烟蘿屋幾人家。
區忙頗恨老相逐，運劫空驚生有涯。
好是無心雲共宿，忽隨江月上歸槎。

早春

泰運輸迴屬化工青郊迎氣走村童雪花江上猶含北
風信梅邊已向東勞酒預占年事外暢懷新識鳥聲中
頭顱記取芒神道一任春來我亦翁

再和前韻

細柳新蒲綠映溪釣舟閒與鷺羣棲覓來野火晚煨蕓
踏碎山雲春拾藜流水不緣催老去飢鳥似欲向人啼
石牀對月清難夢起步星河又轉西

三遊洞

下蟠蒼壁上丹丘寒薄春衫汗水流老脚徧行剛一到
昔賢重此已三遊洞深雪乳垂厓滑徑轉藤花覆竹幽
却憶東坡貴陽寺乾坤雙巧未相求

北巖寺

兩川搖抗尚遲救耳落邊聲結素愁草閱陣旗江郭靖
雲移仙蓋野堂幽時危拊髀思屠狗日短歸心寄飼牛
忝竊三朝今老憊驅馳何計足消憂

到芋原志喜

眼前三日是回程萬死天容脫此生官燭對牀翻老淚
城笳落耳誤邊聲峽江今度風波隔驛使初傳猿鳥驚
臥病老臣無氣力勉又雙手賀昇平

風木為康子肅題

遼鶴斷歸期攤書懶拄頰山月冷不眠雨聲戰寒葉

閨懷

雁盡值無書懸神得先曉起步蒼苔花並夢枝間鳥

宮詞

雞聲素月涼閒庭引秋扇脉脉明鏡前君心如妾面
秋齋為周彥通題

暑伏涼又生蟲吟葉已故壯日苦不常翻書落寒蠹
天空絕度鳥西崦日斜夕簷虛海月孤門外江寒碧
題畫

獨屋芝草香蘅門落松子輕舟泛芙蓉明月在秋水
孫痴寫雪梅鵲兔

陰風生峭寒晴江帶冥漠山鳥寂無聲天花住還落

見梅

病久更清癯江寒猶短棹竹間明數點春是野人家

照水梅

月斜窺素影江碧湛幽香裏醉鮫綃薄江妃出懶妝

岳陽有懷

岳陽南去是長沙驛畔行吟日未斜昔時蘭蕙今何處
滿地春風野草花

山家

江上晴烟鎖翠林苔痕滿地落花深柴門候久無人見
坐對前山理素琴

看梅偶成

消息東風兩月前西湖索莫老逋仙雪蓬昨夜還扶醉
移近梅花一處眠

東園禱興

水綠山青更鳥啼草堂渾似浣花溪西林幾日無人到
穉笋新生與竹齊

木蘭漁隱

綸竿烟水十年前風韻猶存骨已仙
愁看木蘭溪上月夜深還照木蘭船

夢老母

孤燭長幃夢轉真冷烟殘月重心
神寒門委地誰芳草又作東風一度春

嗅梅

睡起同雲覆近村北風霏雪晝黃昏
石林知得梅開未

小立微香過水門

題畫

獨木寒泉半已秋
蘋風一縷度漁謳
野舟天末無人受
占斷沙邊幾點鷗

題朱淑貞像

花藥開殘小院秋
鑑湖春色水東流
垂楊送盡鶯鶯老
不得同依燕子樓

題楊孔昭小景用韻

老懶無羈生意涼
全家十口只漁航
水清沙白魚蝦少
昨夜月明天雨霜

題畫

江上青山伴醉眠
山風吹散一江烟
白頭浪靜蒹葭短
三四飛鷗亂酒船

又

小西湖頭步清樾
一窩僅補林巒闕
獨倚紗窗日又斜
自了殘經送秋月

寒泉為黃庭守作

金削峰高放暮晴即無塵事耳偏清蒼松短壑秋如洗
倒踏山橋聽水聲


宮詞

曉星殘月舊相知下直西宮睡起遲簾外風情看得見
一雙春鳥在花枝

題畫

人境從偏未隔塵谿堂小結自藏身閒雲野鶴傳來信

如許青山欲托隣



石倉歷代詩選卷四百十五

欽定四庫全書

集部

石倉歷代詩選卷四百十六至九

詳校官編修臣謝振定

侍讀臣孫球覆勘

總校官進士臣朱鈴

校對官中書臣汪學金

謄錄監生臣陳煜

欽定四庫全書

石倉歷代詩選卷四百十六

明 曹學佺 編

明詩次集五十

王鏊

玉泉亭

燕山自西來連峰劃中絕有泉出其間終古流不歇石
縫漱潺湲蟠頭瀉幽咽羅注聚成簾激射噴為雪怒聲

亦砮鉤靜性終昭晰肺腸藉洗前毛髮歸瑩澈珠體碎
復圓玉流方似折緬懷六龍來坐覺萬象別天光借澄
明日影增蕩滴幡幢亂山椒貌貅徧林樾誰知百年後
尚覩孤亭艷悠悠彼漁竿盈盈者仙襪不忍向唾涕胡
能斯厲揭虎跑真浪傳杓突差可啜醉破劉伶醒病失
相如渴衛公遮莫通陸子評久缺何當攜一壺歸洗人
間熱

匏菴和樂天五十八歸來因同賦

五十八歸來于我似差速其如迂懶性世事昧五六多
病況早衰鬚鬢失舊綠辭家今幾年但視庭前木寸根
手自栽今已如立竹從公歸去兮家住湖山足

京口別秉之弟

相送不知遠直到江頭住遙遙一片心隨我江北去子
心在江北我心在江南身心不相謀日夕長酣酣

宿遷別安隱兄

年年積相思兄南弟在北一朝兄北來弟作江歸客弟

北兄復南草草途中見見時未交言船開激如箭

喜雨

無才甘遐遺因以靜自適長衢立馬踈深巷來轍隔雨
餘草木長樹杪梨欲圻煩襟忽然醒如饗九鼎食新涼
不嫌貧于我亦有獲屏書去不觀兀坐面東壁水深蠅
欲鳴日入鳥還息為謝揚子雲無玄安取白

除夜

明朝成四十學道得蹉跎世事只如此流光柰爾何髮

從前日短愁向此時多獨飲屠蘇酒臨風一浩歌

自都下還吳寄翰林劉景元謝子喬二同年

大通橋下水送我到蘇州君心與之同滔滔日夜流千
山萬山隔不斷天南天北長悠悠長安車塵高十丈回
首湖山幾興望楓橋忽聽寒山鐘却望燕南在天上白
玉堂黃金闕君在京華我吳越雁飛木落洞庭波雞鳴
海色長安月

風琴

天風泛絃絃自鳴
案間雲影波紋驚
非韶非濩非咸英
依然誰倡還誰賡
不為音節音節成
乃知自有無聲聲
一洗世上琵琶箏

青山

青山上有一片石
我醉欲眠此其席
舉眼望天蒼蒼色
世間何處有此適
歌聲不斷雲自飛
天風飄飄吹我衣
山雨欲來還不歸

雲山圖

遠山隱隱半欲沒近山巍巍高獨出近山遠山出沒間
霧歛烟霏雨明滅山南山北殷其雷天雨欲來還不來
餘暉倒映半巖赤靈籟中含萬壑哀縈迴鳥道梯空去
忽有人家傍山住懸崖一道玉泉飛小橋歷歷行人度
愁心三疊江上山世無燕許誰能賦

胡人歸朝歌

家遙遙在何許北斗南箕各鄉土惟有老身從漢來椎
髻氍毹能漢語當時從駕土木間匈奴驅我不得還朝

看鷄兒嶺暮宿木葉山昔聞青冢今始覩幾過蘇卿持
節處朔風獵獵寒鴈飛聽罷胡笳淚如注此間洵樂漢
自親呼韓猶作南朝賓款關不用通事語三十年前我
漢人

對月有懷兼之

當時月出東海頭我居燕南子蘇州燕吳萬里同見月
兩人不見心悠悠豈知今宵月如舊照我兩人同舉酒
今照兩人喜昔照兩人悲臨風舉酒還問月悲喜惟應

有月知月明三五圓又缺遂使人間有離別碣石南頭
震澤西兩地愁心還望月欲知乃兄別後何所為月下
杯酒長獨持

即事

忽而晴忽而雨細雨霏霏洗殘暑天意陰晴兩不期人
事炎涼遽如許黃葉秋林蟬獨語

送鍾欽禮還會稽

會稽山人其姓鍾丹青之外詩仍工若耶溪上弄雲水

誰將姓氏徹九重文華殿前見天子受釐三日居齋宮
東廂落筆風雨集指盼屢得迴重瞳重瞳一一分甲乙
御筆親書為第一峰巒慘淡李營丘烟雲滅沒王摩詰
詔令內府賜麟蹠又向邊城落戎籍山人拜舞前致詞
草茅何幸逢明時金坡玉鎖天上見惜臣老矣無能為
鑑湖一曲臣所好細草幽花夢中到勅賜烏紗作外臣
白石清泉恣游釣雲浩浩江悠悠山人去矣誰為留人
生雖云故鄉樂大隱金門亦不惡君不見東方朔

顧都憲竹間書屋

淮之水去悠悠君家正住淮水頭宅邊不種凡草木脩
竹森森如立玉年深春雨長兒孫遂使長淮比淇澳竹
間有屋小如舟積書之多如鄴侯手開三徑誰許到惟
有二仲時從游我生好竹仍好書何年歸去山中居

四月九日與秉之進之過通安橋顧氏因偕玄
敬登陽山絕頂次日過虎山橋七寶泉至靈
巖山而還

陽山高哉幾千丈，箭缺遙瞻在天上一。
朝置我箭缺，傍坐覺諸山皆退讓。
太湖汀滢平於鏡，夫椒包山近相並。
山腰鳥道何盤盤，十步九折行且歎。
昌黎正逢衡嶽霽，太白休歌蜀道難。
夫差悔悟苦不早，公孫白骨纏荒草。
子胥伯嚭兩丘墟，天地茫茫人易老。
劃然長嘯來悲風，一杯敬酌浮丘公。
何時借我綠玉杖，從此拄過扶桑東。
詩成西日下山去，回視山椒但烟霧。

春波書屋為屠司寇題

平湖渺渺春波綠榆柳低垂洲渚曲洲傍茅屋是誰家
言是屠公舊書屋屠公致身廊廟裏猶有讀書心未已
牙籤縹軸置兩頭充棟多還比鄴侯湖水平春日晴船
頭置書蓬底讀吾伊聲和滄浪曲

送僧歸洞庭

好古多游寺懷山喜見僧此來成北道好去問南能施
飯逢溪瀘函經被雨騰誰同西崦裏竹屋夜深燈

歸省過太湖

十年塵土面一洗向清流山與人相見天將水共浮落
霞漁浦晚斜日橘林秋信美仍吾土如何不少留

送孫廷憲訓導之夏口

好在孫明復臯比夏邑臨春歸孟渚野雲散碣山陰梁
宋詩書古江淮控帶今睢陽雙廟在為我一追尋

哭遜之振之兄

少小嬉遊熟中年隔絕多兄今長已矣吾此復如何書
至猶疑信悲來欲嘯歌惟餘寸心在歲晚諒無他

甘露寺

頗憶登臨勝，拏舟復此過。
呂劉傷斷隴，梁刻認餘波。
霧晴噓蜃，江風夜吼鼉。
孫劉何處問，狼石臥荒坡。

焦山

還將雙鬢白，坐眺一峰青。
江海交流處，乾坤著此亭。
山形雄虎勢，雨氣挾龍腥。
四顧皆榛莽，難尋瘞鶴銘。

夜泊方橋

天暝去程遠，扁舟宿雁沙。
風烟漁浦樹，汀水野人家。
不

識剡溪路空懷博望槎
隣邦猶蹇澀况欲走天涯

金山

大江中峙小崐崙
勢壓洪濤幾欲奔
萬古乾坤鎮南北
一方鐘鼓自晨昏
雲低北固山爭出
潮落東洋海半吞
汲得中泠自煎試
月團新賜出詞垣

登西馬塢

直上高山望五湖
雲飛盡處是姑蘇
人家隱隱烟中見
帆影依依天際無
俯仰兩間雙短鬢
往來千古一蘆盧

仲淹自是多憂者廊廟江湖恐未殊

陪夏憲副正夫遊石湖

東風湖上試春衫樹杪飛橋破石岬廢宅草深悲往事
斷碑苔沒認餘劖上方雲影層層塔震澤波光隱隱帆
弔古登高興無限歸途西日在松杉

三十五初度

人生七十古來少嗟我如今已半之來日更添如許久
餘生能得幾多時功名似鷁長遭退學問如船逆上遲

萬事悠悠只如此青山能負白雲期

遼城懷古

並馬尋涼過遠郊閒從野叟問前朝
雨摧故壘逢遺鏃月暗荒臺夢墮翹
千古河山還王氣一時士馬亦天驕
如何宋紀年三百獨讓周師過瓦橋

送戚時望僉憲之湖廣

逢君未久送君行十載同年幾日情
平獄舊推于定國監司新過漢陽城
雁回千里書應寄春到三湘草自生

收拾楚材歸藥籠湖南賓客總知名

李承芳承箕下第以詩投贈酬之

青藜入夜晃秋毫兩意相求苦不遭神駿並為千里足
驪黃真誤九方臯亡弓亦得君誠達當局還迷我亦勞
把酒題詩成一笑楚天空濶雁行高

葉文莊公夫人壽詞

文莊老去吾猶及夢想依稀記尚真挾策未能為弟子
升堂還得拜夫人中吳文獻家聲遠少宰丹青貌像親

金少卿八
卷四百十六
一曲南飛憑去鶴西風江上采蘋蘩

題夏正夫遊石湖虎丘詩卷

石湖烟水虎丘山上國還從展卷端高人過作十日飲
故事留與他年觀亦知南國有西子誰為東山無謝安
更欲相從尋勝處高崖磨認墨痕殘

雨窓詩意

對牀此夜彭城雨流落千秋伯仲情燈火五更雙夢短
江湖萬里一身輕吳雲未薄燕鴻冷蘄樹初殘越鳥驚

我亦緬懷終鮮恨西堂獨夜正愁生

送同年范以貞還任寧國

不見范侯來已久忽聞高論尚孱顏榜中漸覺同年少
席上難逢半日間到任祇嘗寧國水題詩時對敬亭山
謝公遺刻煩收拾多在荒烟野草間

姚少師像

下馬摩挲讀古碑咨詢往事幾人知獨留滿月龕中像
便是凌烟閣上姿頗隱三毛還可識功高六出本無奇

一朝社稷歸真主依舊臞然老衲師

送劉侍講景元使交南

莫辭旌旆拂炎蒸專對還推賜也能石過鬱林真可載
山高銅柱更須登中朝正朔行無外絕徼殊妝覩未曾
別後玉堂長見夢富良江上夜深燈

送呂丕文給事使交南

乾德初升九五爻使臣頒朔到南交尚方瑞獸新裁服
炎海人魚定入庖歲貢包茅連路側春歸行李落梅梢

還朝借我南遊錄土俗民風要一鈔

送蔡進之還洞庭

夢魂長達太湖邊折柳官亭又一年家世西來峰縹緲
客心東去水潺湲林間詩社誰為長吳下鄉音我亦便
撩亂烟花過寒食東風胥口喚行船

送王允常僉事之廣東

椰葉枕椰五嶺南使君曾此駐帷襜法冠直指新義廬
包匭生黎舊貢舫不信鰐魚還作祟只應泉水便知廉

殊方風土須珍重莫為溪山久滯淹

送馮原孝知揚州

東南佳麗隔江分我昔登臨倚半曛
瓜步帆檣天未見竹西鼓吹月中聞
高名自昔推揚一健足他年失冀羣
父老要知新太守聰明慈愛漢馮君

送建德尹蔣文廣致政還光福

京塵袞袞鬢毛斑朝奉除書暮乞還
三徑已嫌陶令晚一丘長伴謝公閒
仍知建德非吾土免使移文自北山

光福楊梅今正熟水盤歸薦鶴頭丹

陳員外于章分司蕪湖

東風吹浪碧粼粼君去分司正值春聞說為關非舊日
追思省試是比隣官曹正對蕪湖好飲興初嘗采石醇
若遇經過頻借問行船多有洞庭人

送張時學知遂安任叔順知定海

五色依然過眼迷常時文彩映玻璃誰能滅沒空驪牡
又是連蜷賦彩霓七里灘搖江月冷四明山壓海天低

自慚未得為知己臨別新詩亦漫題

贈顧鏞

玉山人去草堂存及見濠梁幾世孫
傾蓋途中成舊識
僑居淮上是清門
前朝舊事猶能記
南國遺風且莫論
莫怪題詩多感慨
曾于名勝集中翻

宿龍潭驛

崩崖百丈俯驚湍
未到先憂到却安
夜枕江聲宜客夢
千窓山色任人看
欲尋往事空題壁
不廢公程且解鞍

眼底桑田與滄海人間得失浩漫漫

舟發龍潭驛

王氣東南日夜浮
畫船簫鼓向神州
山當好處如曾識
江到平時只似游
兩岸人家從北固
六朝王業付東流
天風莫送征帆急
景物詩家要細收

秉之送至京口別去有詩和之

隔江相送望蕪城
四海悠悠見汝情
事觸悲歡心易醉
別牽南北夢先驚
日邊莫負看花約
湖上還尋種橘盟

惆悵金山一回首秋風獨作薊門行

寄題拱北樓

紫微華蓋擁宸居拱北樓成勢有餘
沽水遶城斜作字人家濱海半為漁
草間狐鼠收妖氣天上風雲賀寵除
記得泊舟衰草岸月明槐樹影踈踈

送吳編修克溫歸省宜興

玉堂退直幾相從茗盞薰爐坐晏春
遠別芳洲生杜若清詞秋水出芙蓉
交情淡愛周公瑾宦况輕懷邵曼容

問罷起居還就道渭陽雲樹思重重

送同年俞副使濬之四川兵備

控帶西南坐上游安危須共主分憂蜀人到老懷張詠
邊計從前仗武侯地遠烏蠻耕傍早天高白帝鎮橫秋
雪山不見南來雁書寄同年幾日收

送李文選惟誠冊封岷府

使節南行振玉珂湘江木落洞庭波漢朝赤土分封遠
楚國青茅入貢多夢渚草長歸眺望蕪湖家近好經過

却嫌選部仍虛席不得淹留奈爾何

海月菴觀燈

蓮花深屋賞來曾茗盃寒漿渴飲冰月好自尋燈作伴
雪寒惟許酒為朋興同老子復不淺年與先生自此升
東壁餘光願終照夜深羸馬慣能乘

宿樊都尉翠微山莊

攢峰缺處望亭臺石室金堂為客開坐見野雲從地起
臥聞山雨到窻來秋聲颯沓驚濤洶暝色籠嵒遠壑哀

自笑詩人能好事連宵抱被宿崔嵬

宜晚軒

旋鉏荒穢彊名園小結茅茨便作軒行處藤枝還自倚
吟餘貝葉亦時翻閒居未擬潘生賦知足先師老氏言
長者有車時見過願聞何處是真源

送倪尚書之南京

暫攜堂印過江東冢宰權分位望同留守地當分陝重
為官誰在故鄉中家傳舊有尚書履保傳新加太子宫

半世趨朝今少憩鍾山閒對黑頭公

過西洞庭徐氏

早從胥口望龍從舟入青溪曲曲通一片湖山歸手內
萬家烟火隔雲中范公憂莫關廊廟楚客音還愛土風
林屋有田吾欲老那因一水限西東

林屋洞次傅水部韻

隔凡深處禹書存尚有神靈為守門穴底玉泉流作汞
巖前壁月過留痕燕飛尚驗晴為雨龍戰猶疑數在坤

聞說遙遙天漢接胸中雲夢幾須吞

金山

石徑纔窮忽又通重重臺閣半浮空
一林蒼翠瀟湘雨萬頃青黃擺盪風
鈴語上方雲氣白詩題壞壁蘚痕紅
未留玉帶空歸去慚愧山僧問長公

登萬壽寺佛閣

吳城第一好山川半醉來登意豁然
天際雲開雙塔影城頭日出萬家烟
宋朝故老空遺宅吳下叢林不記年

今日雙鳬同眺望分明身現宰官前

送王尚書之南京戶部

重瞳回處識顏卿計相元知屬老成
執法久推于定國工詩還許謝宣城
掖門曉色常參語祖道秋風忽餞行
財賦東南今竭矣送君回首不勝情

海月菴觀燈

新樣驚看出洱河九華光彩未云多
時逢王月春猶淺會在公家歲獨多
雲母障開星亂點天機文斷水微波

九衢車馬人人樂不飲其如此夜何

奉和屠侍郎元勳謁陵

鬱葱佳氣繞諸陵
玉室金堂見始曾
倦足行驚冰棧滑
瘦肩吟對晚山憎
月斜殿角東西磬
星散林間遠近燈
抱膝何人發長嘯
石門吾欲訪孫登

遊太湖

茫然不省是人間
却有人家住近灣
一處便須終日坐
百年能得幾時閒
將開復合雨餘雨
乍有忽無山外山

安得扁舟如范蠡行尋七十二孱顏

己巳五月東歸

家住東山歸去來十年波浪與塵埃頭顱今日已如許
勲業古人安在哉滄海巨帆晴望濟長途疲馬早思回
閒非閒是俱拋却濯足滄浪坐釣臺

宿堯峰寺

堯峰自在諸天上半醉來登不用扶思入湖天同浩蕩
望窮雲樹轉模糊五更客夢侵雲冷一片禪心對月孤

自是世緣猶未了幾時同此結跏趺

宿華嚴寺

歸來每向招提宿心若閒雲着處安已到山家無去住
偶聞塵世有悲歡烟霞自可通禪觀草木還應識宰官
少小來遊今白髮幾迴臨去重盤桓

訪元德

樓臺疊疊路重重家住橫山第幾峰半壑夕陽垂橘柚
五湖烟水浸芙蓉神仙未覺三山遠榮貴甘辭萬戶封

近棹匆匆回首白雲天際杳難從

越來溪懷古

吳國江山亦壯哉一朝誰信越兵來
旌旗尚動春波影歌舞翻成子夜哀
往事悠悠餘敗壘傷心脉脉自登臺
姑蘇麋鹿何須恨聞道阿房也作灰

過黃陂沈氏阻風望洞庭甚近而不能至

茅堂宛在碧山腰山下行人不受招
梁作虹蜺應可渡水如衣帶却成遙
清風入夜生蘋末細雨扶春上柳條

不是休文能醉我平生磊塊仗誰澆

和錢元抑投贈

虞人雅自重齊旌小奏由來止一成蕙帳久孤黃鶴怨
蓼灘先赴白鷗盟春山丐竹眠思蔭曉井擔泉汲愛清
舊日著書今亦懶聊從靜裏息餘生

訪徐季子于瓜涇

太湖東轉碧溪斜來訪南州孺子家舊學不嫌樊氏稼
閒情兼理邵平瓜畫船載酒人如玉醉筆題詩墨似鴉

好約年年為此會前村踏雪有梅花

遊天池和仲山韻

小輿詰屈穿雲峯愛此龍窠萬石林迴溪倒挂松樹老
絕嶂半染蓮花深尋幽偶值此日暇訪古正愜平生心
天池小立戒歸去夜來風雨聞龍吟

徵明飲怡老園有詩次其韻

吳王銷夏有殘闥特起幽亭據要津剝水繞時傷往事
危檣缺處見行人綠楊動影魚吹日紅藥留香蝶護春

為問午橋閒相國自非劉白更誰親

靈巖山

天末遙瞻塔影層今朝攜酒試同登吳中信是佳山水
人世依然感廢興草滿琴堂微有字烏啼禪院寂無僧
懸崖斧鑿紛如雪何處題詩記我曾

留別王濟之和文定公韻

小隱何年荻扁來陽城湖畔草堂開團蒲曲几凝香寢
町疃芳畦瘿石臺雪滿山陰王子至日斜滌上醉翁回

銅餅早漏春消息欲取寒香入酒杯

贈仲山

東風漠漠動江離夾浦橋邊二月時
花外小車來每早
竹西高閣臥偏遲
山橫爽氣閒支笏
座按新腔自補詞
聞有還丹須乞與
市中誰者是安期

與宜興邵天錫小飲象鼻嶺

漠漠輕陰雨復晴
晴時還不廢郊行
困依石几嵐侵座
醉吸湖波灩入觥
小圃芳畦春事動
落霞孤鶩暮山橫

何如菴畫溪邊路共坐蘭舟蕩月明

與謝憲副德溫遊陽山箭缺至半山寺而止

箭缺挽天知幾重半山聊復憩吾慵孤臣何處理幽憤
高閣閒來坐晏春深院潺湲鳴剖竹懸崖砢磳偃長松
迴船又過楓橋去臥聽寒山寺裏鐘

將遊毛公壇宿包山寺明日雨不免往

毛公已去有仙壇眼見亭臺欲到難翠壑蒼厓增惆恍
玉芝瑤草長闌干洞無金鑰誰能闖井有靈砂尚可餐

傳語仙翁莫終弃當時雞犬從劉安

次師陳西干草堂韻

晏子家居不厭囂年來市價識偏饒
窓禽曉下窺青案門柳時過刺酒撓
刺水尚紆吳子國小山寧受越人招
紅闌綠浪姑蘇境寶帶西來第幾橋

得孫喜而有作

七十年來孫始見啼聲一聽便開眉
家藏萬卷真堪託庭植三槐宿所期
膝上久拚文若坐日前聊慰右軍思

三朝袍笏吾無用付汝他年佐盛時

野航

野航誰謂小恰受野人身披衣欲何向五湖烟水濱

贈朱相之分司蕪湖

蕪湖小縣駐皇華江上青山正對衙此地知君非久住
庭前石竹為誰花

至徐州口占

日日拖舟莽蒼間荒郊四顧但榛菅朝來雨歇蓬窓外

正見徐州一帶山

飲陳以嚴領孫堂

雲母屏深燭影斜
德星還聚太丘家
庭前玉樹森森立
池上趙宗敢漫誇

夜過西虹橋

破楚橋邊步偶停
夜船燈火散如星
館娃歌舞今何處
留得吳歌與客聽

過長江

微風細浪平如席金山焦山纔只尺羣山簇簇天際浮
點染長江好顏色

明月灣石板

巨石陂陀板樣平三山當面看雲生何當子夜重來此
濯足滄浪對月明

野人獻菊碧色每叢作雙鳥並立名鴛鴦菊為
之賦詩

枝頭兩兩立東西知是鴛鴦不獨栖一種貞心誰得侶

廬江小吏仲卿妻

次林見素中丞見寄之韻

山林滋味老尤長
肯羨裴家翠錦坊
却羨雲莊千顆玉
炎風五月擘紅香

二月真適園梅花盛開

萬株香雪立春風
背倚斜陽暈酒紅
把酒花間花莫笑
風光還屬白頭翁

又

春來何處能奇絕金谷梁園俱漫說誰信吾家五畝園
解貯千株萬株雪

朱半山輓詞

晚從秦晉結葭莩紹也他年可不孤回首玉山人去遠
夷亭斜日雨疎疎

又

幾迴折簡荷招要八月西風看弄潮今日稽山無賀老
畫船空指半山橋

石倉歷代詩選卷四百十六